

Nunatsinni Nakorsaaneqarfik

Angajoqqaanut paasissutissiissut

Kiinnakkut aniorneqarneq

Kiinnakkut aniorneqartoqarsimammatt Ilitsersuut atuaruk meeqqallu nappaammut ersiuteqarpat sulisut tamatuminnga ilisimatikkitt.

Meeqqat nappaataat taanna nalinginnaaqaq tamatigorluinnangajallu sakkukitsumik atugaasarluni. Inersimasut 65 %-iisa missaat nappaat siusinnerusukkut atoreersimagamikku akiuussutissaqarput tunillatsissinnaanatillu. Naartunerup affaani siullermi tunillatsittut peqqinnissaqarfimmit immikkut nakkutigineqassapput.

Tunillatsinneq

Nappaat qisikkut assaat atortulluunniit aqputigalugit imal. quersornikkut tangajornikkulluunniit silaannarmut serpalinnernit najuussinikkut tunillaattarpoq. Aniornerit tunillaanneq ajorput.

Tunillaasinnaaffik: tunillatsinnermiit ullut 5-10 (sap. ak. missaa) aniornerininnissap tungaanut. Taamaasilluni nappaatip ersiutai suli takkutinngitsut tunillatsittoqarsinnaavoq.

Nappaammut ersiutit

Tunillatsinnermiit napparsimalernissap tungaanut sivisussusaa: Ullut 13-18 (sap. ak. marluk missaat).

Nappaat nualluummut sakkukitsumut eqqaanartumik aallarniuteqarsinnaasarpoq akuttunngitsunilli ulussat aappillernerannik aallarniuteqariarluni pingaartumik avatini aniornerit takkuttarput. Timikkut avatitigullu aniornerit putoortulianut eqqaanartuupput. Aniornerit ullut marlussuit atasarput, sapaatit akunnerili tulliuuttut ingerlanerini pingaartumik meeqqap timini atorlugu kiagulerpat takkuteqqissinnaasarlutik. Kissarneqaataalaarsinnaavoq nappaalli aamma ersiuteqanngivissorsinnaalluni. Inersimasuni ilaatigut naggussatigut ippiuutaasinnaasarpoq. Inuit aammikkut nappaatillit tappiorannartup virus-ip aakilliortitsisinaanera pissutigalugu peruluutigisinnaavaat. Naartunerup affaani siullermi tunillatsinnikkut naartumik katatsisinnaaneq naartulluunniit aakilliulersinnaanera annikitsuinnaavoq. Naartumik innarluuteqalersitsisinaanngilaq.

Nakorsartinneq

Nappaat nakorsarneqarsinnaanngilaq. Naartusut tunillatsissimasinnaasut misissoluarneqartariaqarput.

Taama nappaateqartoqartillugu maleruagassat

Naartusut nappaammik siornagut tunillatsissimanngitsorisut peqqinnissaqarfimmut saaffiginnissapput.

Meeqquerivimmukaqqinnissaq

Meeraq peqqissippat.